

Kommuneqarfik Sermersooq

MI - Meeqqanut Ilaqutariinnullu Ataatsimiititaq / Udvalg for Børn og Familie (170913 Ileqquusumik ataatsimiinneq)

13-09-2017 14:00

Kommunalbestyrelsip ataatsimiittarfia

Mødeindhold

Punkt	Side
Punkt 0: Saqqa	1
Punkt 1: Oqaluuserisassat akuerineqarnerat	2
Punkt 2: Nalunaarutit	3
Punkt 3: Ilisimatitsissutit	4
Punkt 4: Aalajangiiffigisassat	5
Punkt 5: Suliat Aningaasaqarnermut Inuussutissaqarnermullu Ataatsimiititamut	6
Punkt 05A: Saqqarlernut Meeqqat angerlarsimaffianniit katsorsaasarfiutigalugu	7
Punkt 6: Taasariaqartut allat	10
Punkt 7: Suliat matoqqasut	11
Punkt 8: Imaqarniliap akuerineqarnera	12

07A: Angajoqqaanit akuersissutitaqanngitsumik angerlarsimaffiup avataanut inissiineq

07B: Angajoqqaanit akuersissutitaqanngitsumik angerlarsimaffiup avataanut inissiineq

07C: Angajoqqaanit akuersissutitaqanngitsumik angerlarsimaffiup avataanut inissiineq

Punkt 0: Saqqaa

Ilaasortat

Uju Petersen (IA), siulittaasoq

Rasmine Geisler (IA)

Inge Olsvig Brandt (IA)

Knud Mathiassen (IA)

Ane Egede Mathæussen (S)

Punkt 2: Nalunaarutit

2A. Siulittaasumit

2B. Ingerlatsivimmit

Punkt 3: Ilisimatitsissutit

Soqanngilaq.

Punkt 5: Suliat Aningaasaqarnermut Inuussutissaqarnermullu Ataatsimiititamut Kommunalbestyrelsimullu ingerlateqqitassat

Soqanngilaq.

Saqqarlernut Meeqqat angerlarsimaffianniit katsorsaasarfiutigalugu angerlarsimaffittut

Saqqarlernut siunertaata meeqqanut inuusuttunullu katsorsartinnissaminnik pisariaqartitsisunut naleqqussarneqarnissaa

Aalajangiiffigisassaq

J.nr.: 44.19

Meeqqanut Ilaqutariinnullu Ingerlatsivik – pisortaagallartoq Helene Horsbrugh /HEHO

Suliassamik eqikkaaneq

Ullumikkut Saqqarlernut siunertaminut sullitassaminullu naleqqutinngilaq, tassami ingerlatsivik inissaqaraangat aatsaat inissiisariaqartarmat, sullinneqartussat pisariaqartitaat naapertornagit. Saaffik upernaq matuvoq, taamaasillunilu meeqqanut inuusuttunullu, kinguaassiuutitigut atornerlugaasimasunut, manna tikillugu Saaffimmit isumagineqarsimasunut katsorsartinnissamik pisariaqartitsisoqartillugu periarfissaaruppoq.

Taamaattumik Saqqarlernut aqqissuuteqqinneqarnissaa pisariaqalerpoq, katsorsaasarfittullu naleqqussarneqarluni. Aqqissuuteqqinneratigut anguniagarput qiteqqutereerparput, aallaqqaataaniit aallarteqinata.

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa

- inassuteqaat akuersissutigineqassasoq.
- Suliaq Aningaasaqarnermut Inuusutissaqarnermullu Ataatsimiititamat Kommunalbestyrelsimullu ilisimatitsissutissatut ingrlateqqineqassasoq.

Suliassamik saqqummiussineq

Saqqarlernut siunertaminut sullitassaminullu naleqqutinngilaq, tassami angerlarsimaffik nukingertumik inissiisoqassatillugu inissanik amigaateqartoqarnera pissutigalugu atorneqartarmat. Aamma imaappoq, inuusuttut allami inissinneqarsinnaanngitsut tassunga inissinneqartarmata. Inuusuttut sakkortoorujussuarmik pissuseqartut pineqarput, najoqqutassat sulisulluunniit immikkut isumagisinnaanngisaannik. Tamatuma saniatigut Saqqarlernut missingersuutai sipporneqarnikuupput, sulisunut iluarsaassinissamullu amerlanerusunik missingersuutigineqariinngitsunik aningaasartuuteqartoqartariaqarsimammat, sullinneqartussat inuusuttut sakkortuujuneri pissutigalugit.

Ingerlatsivik inuusuttunut taakkununga naleqqunnerusunik sullisseriaasissanik ujartuigaluarpoq, kisiannili Isumaginninnermut Naalackersuisoqarfimmit inissanik innersuussisoqarnissaanik atorfissaqartitsilluni. Aallaaviatigut Saqqarlernut siunertaminut naleqqutinngilaq, sullitassat maannakkullu sullisseriaatsit naapertorlugit, aammalu angerlarsimaffimmi naleqqussarnissaq/suliniuteqarnissaq qanorluunniit pisariaqartinneqarpoq.

Ingerlatsivik Meeqqanut inuusuttunullu, kinguaassiuutitigut aamma/imaluunniit sakkortuumik nalaataqarsimasunut Saaffiup matunerata kingornagut katsorsartittarfissamik aqqissuutamik amigaateqarpoq. Manna tikillugu katsorsaasarnermut tunngasut Meeqqanut Ilaqutariinnullu Sullissiviup isumagisarpai, kisiannili maannakkut tassani sulisussanik amigaateqarneq pissutaalluni, katsorsartinnissamik neqeroorut pitsaanerpaamik ingerlanngilaq, aammalu utaqqingaatsiartoqartariaqartarluni.

Saqqarlernut-ni katsorsarneqarnissamik neqerooruteqartoqarnissaa anguniarneqarpoq, taamaasillutik meeqqat pimoorussamik katsorsarneqartalissapput, maannakkut Meeqqanut

Ilaqutariinnullu Sullissivimmi ingerlanneqartartunit nalinginnaasumik oqaloqatigiittarnernit/katsorsartittarnernit annertunerusumik. Meeqqat ineriartornerminnut naleqquttumik katsorsarneqarnissaminnik pisariaqartitsipput, saniatigullu katsorsartinnermik, taamaasilluta meeqqat sakkortuumik nalaataqarsimanerminni tamakkiisumik suliarinninnissaat qulakkeerneqassammat. Meeqqanut Ilaqutariinnullu Sullissiviup ilaqtariit qanimut suleqatigalugit peqataatissavai, taamaasillutik angajoqqaajusut aamma meeqqap pisariaqartitaanut tunngatillugu ikorfartorneqarniassammata.

Saqqarlernut Meeqqanut Ilaqutariinnullu Sullissivimmut sanilliullugu meeraq katsorsartinnissaanik ineriartornermilu pilersarusiorfiginissaanik neqeroorfigissavaa, katsorsartinnissaq sungiusarnikkullu ineriartornissaq qitiutillugit, meeqqat ataasiakkaat pisariaqartitaat aallaavigalugit. Meeqqanut Ilaqutariinnullu Sullissiviup pingaartumik angajoqqaat suleqatigai, angajoqqaatullu piginnaassusaat atorluarlugit meeqqat ikiorniarlugit. Saqqarlernut suliatigut ilinniagalinnik meeqqat qitiutillugit suliniuteqarfigineqarnissaannut sulisoqarusuppoq, taamaattumillu sulisut ilinniagaannut piunasaqaatit Meeqqanut Ilaqutariinnullu Sullissivimmi sulisuusut ilinniagaannit allaanerussapput.

Meeqqat sakkortuumik nalaataqarsimanerminnik suliarinninnissaat pingaaruteqarpoq, nalaataminnik kingunerlutsitsinnginniassammata toqqissisimasumik pitsaasumillu siunissaqarnissaat qulakkeerniarlugu. Taamaattumik pimoorullugu suliarineqarnissaat pingaaruteqarpoq, tamannalu Meeqqanut Ilaqutariinnullu Sullissiviup naammassisinnaangilaa, tassami immikkoortotami pingaartumik ilaqtariit katsorsartittarnerat angajoqqaatullu piginnaasanut tunngasut suliarineqarnissat siunertaammat.

Taamaasilluni Saqqarlernut ulloq unnuarlu angerlarsimaffiujunnaassaaq, katsorsartittarfinngorlunili. Meeqqat qaammatit arfinillit tikillugit katsorsartittarnissaat naatsorsuutigineqarpoq, piunasarineqassappallu sivitsuinissamut periarfissalerlugu. Meeqqat kommunimi illoqarfinit nunaqarfinniillu allaneersut Saqqarlernut najugaqarsinnaapput, kisianni ulloq unnuarlu angerlarsimaffimmut inissiinerunnginnera misissorneqassaaq, siunnerfilimmilli katsorsartinnerussalluni.

Aaqqiissutissatut siunnersuut – suliatigut naliliineq

Saqqarlernut katsorsartittarfittut allanngortinneqarnissaa kommunip ikiorsiissutigisartagaanut allanut tapertarissallugu pitsaasuussaaq, tassami sakkortuumik nalaataqartoqarsimatillugu siusissukkut sukumiisumillu suliarinninneq meeqqanut ingerlariaqqinnissaannullu iluaqutaasussaammat.

Taamaassappallu ungasinnerusq eqqarsaatigalugu inuiaqatigiinnut sipaarutaasinnaavoq, tassami meeqqat inuusuttullu pineqartut misilittakkat naapertorlugit ukiorpassuarni systemimi uteqattaartinneqassammata, nalaataminnik suliarineqanngitsunik peqarlutik sulii mianernartuunertik pissutigalugu.

Aningaasaqarnikkut sulisoqarnikkullu naliliinerit

41-3-64

Naatsorsuutit inernerigallagaat ullumi ulloq

Aalajangiinerup aningaasatigut kinguneri

Maannakkut illu pigineqareerpoq (iluarsaatassaalluni), 3.979 mio. kr. ingerlatsinermut missingersuutaapput, ingerlateqqinneqarsinnaagunartut. Taamaattumik illutaanut tunngasortaa KS-imut immikkut aningaasartuutaassanngilaq. Inassuteqaat akuersissutigineqassappat, missingersuutit naleqqussarsinnaassavagut, suliniummi nutaami pisariaqassappat ingerlatsinermut aningaasartuutaalersussat paasereeriarutsigit.

Illumi inuusuttut sakkortuumik pissusilersortartut ajoqusigaasa iluarsartuunnissaannut 200.000 kr-nik ilassutitut aningaasaliiffiqineqarnissamik qinnuteqaateqartoqarpoq.

Inatsisitigut tunngavissaq allakkallu tunngaviusumik uppernarsaatitallit

Ingerlariaqqinnissaq

Inassuteqaat akuersissutigineqassappat, aaqqissuusseqqinnissaq sapinngisamik piaartumik aallartinneqassaaq.

Aaqqissuusseqqinnerup kingunerisaanik sulisutigut allannguuteqartoqassaaq, katsorsaanermi suliassat naleqquttunik sulisoqartariaqarmata. Maannakkut aqutsisoqareerpoq katsorsaasartumillu sulisoqareerluni. Taamaattumik perorsaanermik suliaqartut taakkuusariaqassapput naleqqussarneqartussat.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmut oqaaseqaatinik piniartoqanngilaq.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinniit allaniit oqaaseqaatigineqartut

Ingerlatsivinnit allanit oqaaseqaateqartitsisoqanngilaq.

Ilanngussat

1. Saqqarlernut neqeroorut

